



Broj: 43 0 Su 260689 25 Su
Zenica, 19.05.2025. godine

Na osnovu člana 31. Zakona o sudovima u Federaciji Bosne i Hercegovine¹, te na osnovu Zakona o plaćama i drugim naknadama sudija i tužilaca u Federaciji Bosne i Hercegovine², predsjednica Općinskog suda u Zenici, Alma Spahić, donosi

ODLUKU

o korištenju godišnjeg odmora sudija, stručnih saradnika,
državnih službenika i namještenika Općinskog suda u Zenici za 2025. godinu

I

Ovom odlukom regulišu se kriteriji za određivanje dužine trajanja i načina korištenja godišnjeg odmora sudija i stručnih saradnika (u daljem tekstu: nosioci pravosudne funkcije), kao i državnih službenika i namještenika Općinskog suda u Zenici, (u daljem tekstu: uposlenici).

II

U Općinskom sudu u Zenici će se u periodu od 21.07.2025. godine (ponedjeljak) do 15.08.2025. godine (petak) koristiti kolektivni godišnji odmor za 2025. godinu u ukupnom trajanju od 20 (dvadeset) radnih dana, tako da će otpočeti sa radom u ponedjeljak, 18.08.2025. godine.

Drugi dio godišnjeg odmora nosioci pravosudne funkcije će koristiti najkasnije do 30. juna naredne godine, vodeći računa o potrebama službe i njihovoj iskazanoj potrebi.

Drugi dio godišnjeg odmora uposlenici će koristiti najkasnije do 30. juna naredne godine, vodeći računa o potrebama službe i iskazanoj potrebi uposlenika, a po prethodnom odobrenju neposrednog rukovodioca i u skladu sa planom korištenja godišnjih odmora usklađenim sa obavezama posla i nesmetanim funkcionisanjem rada suda.

Nosioci pravosudne funkcije i uposlenici imaju pravo koristiti i jedan dan drugog dijela godišnjeg odmora, uz obavezu da o tome obavijeste poslodavca najmanje tri dana prije njegovog korištenja.

U trajanje godišnjeg odmora ne uračunava se vrijeme privremene spriječenosti za rad, vrijeme praznika u koje se ne radi, kao i drugo vrijeme odsustvovanja sa rada koje se nosiocima pravosudne funkcije i uposlenicima priznaje u staž osiguranja.

III

U periodu kolektivnog godišnjeg odmora obezbijedit će se neophodan rad prijemne kancelarije, izvršne i CMS pisarnice, registra poslovnih subjekata, zemljišnoknjižnog ureda i svih ostalih unutrašnjih organizacionih jedinica, te je u tom cilju rad pisarnice, registra poslovnih subjekata i jedinica potrebno svesti na izvršavanje dnevnih obaveza prema strankama, uz rad na hitnim predmetima u skladu sa zakonom, što će obezbijediti sekretar suda i ostali šefovi unutrašnjih organizacionih jedinica suda.

¹ „Službene novine Federacije Bosne i Hercegovine“, broj: 38/05, 22/06, 63/10, 7/13 i 52/14

² („Službene novine Federacije BiH“, br. 72/2005, 22/2009, 27/2012 - odluka US, 55/2013, 102/2013 - autentično tumačenje, 55/2017 - odluka Ustavnog Suda i 61/2022)

IV

Radi obezbjeđenja obavljanja neophodnih radnih zadataka zaposleni na prijemu i otpremi pošte, u pisarnici suda, registru poslovnih subjekata, zemljišnoknjižnom uredu, na održavanju čistoće, te ostalim organizacionim jedinicama suda, zaposleni će godišnji odmor koristiti na smjenu, prema rasporedu neposrednog rukovodioca i sekretara suda.

Posebnom odlukom odrediti će se dežurstva sudija i ostalih zaposlenika, nakon što predsjednici sudskih odjeljenja dostave raspored dežurstava predsjednici suda, u roku od 8 (osam) dana od dana prijema ove odluke.


Istom odlukom odrediti će se i dežura nakon što neposredni rukovodioci državnih službenika i namještenika dostave raspored dežurstava za iste. Za sačinjavanje plana korištenja godišnjih odmora i rješenja o godišnjim odmorima u skladu sa ovom odlukom zadužen je sekretar suda.

V

Predsjednica suda zadržava pravo da, u slučaju povećanja obima poslova čije obavljanje ne trpi odlaganje, donese odluku o prekidu godišnjih odmora za određeni broj zaposlenika za obavljanje tih poslova.

VI

Ova Odluka stupa na snagu danom donošenja.



PREDSJEDNICA SUDA

Alma Spahić
Alma Spahić

Dostaviti :

- 1 x svim uposlenicima suda elektronskim putem
- 1 x Visokom sudskom i tužilačkom vijeću BiH
- 1 x Ministarstvu za pravosuđe i upravu Ze-do kantona
- 1 x Kantonalnom sudu u Zenici
- 1x Kantonalnom tužilaštvu Zeničko-dobojskog kantona
- 1 x web stranica suda
- 1 x oglasna ploča
- 1 x Su